



UNIVERSITÄTS-
BIBLIOTHEK
PADERBORN

Nucleus Juris Canonici

Thenhaven, Bernhard

Coloniæ Agrippinæ, 1739

IV. Ne Prælati vices suas vel Ecclesias sub annuo censu concedant. D. 4.

[urn:nbn:de:hbz:466:1-63382](https://nbn-resolving.org/urn:nbn:de:hbz:466:1-63382)

NE PRÆLATI VICES SUAS VEL ECCLESIAS &c. 565
pecuniæ, ut secutâ Professione Monaste-
rium renuntiet hæreditati aliisque præ-
tensionibus temporalibus sibi de jure ob-
venientibus, quia tale pactum fit circa
merè temporalia. Dixi 3. *Post Professionem*;
nam ex Trident. *sess. 25. de Regul.*
c. 16. licitum est pro victu & vestitu No-
vitii tempore, quo in probatione est, ut-
pote nullum ad hæc jus habentis, ali-
quid ex bonis ejusdem dare & acci-
pere, ac circa hæc pacisci, ut docet
Pirb. n. 60.

TITULUS IV.

*Ne Prælati vices suas vel Ecclesias sub
annuo censu concedant.*

I. C. i. h. t. decernitur: „Cum in quibus-
dam partibus Decani sub pretio
„constituerentur, & pro certa pecuniæ
„quantitate Episcopalem jurisdictionem
„exercerent, statuit Pontifex, ut, qui id de
„cætero præsumpserit, officio suo prive-
„tur, & Episcopus conferendi hoc offi-
„cium potestatem amittat. Et C. 2. Si quis
„id fecerit, auctoritate Apost. removea-
„tur à Clero, & Episcopus Canonicâ di-
„strictione percellatur. Ratio, quia ju-
„risdictio Episcopalis, cum sit spiritua-
„lis, absque simonia vendi non potest ab

Episcopo, qui potius debet ipse dare stipendium seu salarium Vicario, quam ab eo pecuniam accipere. N. D. In Curia Rom. quotidie venduntur Clericatus Camerae & Auditoriatus, quibus Officiis annexa est Jurisdictio Ecclesiastica. Nam quod in his Officiis Papa separet jurisdictionem, quae gratis conceditur, ab emolumento temporali, quod sic emi & vendi potest. *Nec obstat C. 6. de Relig. Dom.* ubi aperte docetur, Episcopum posse sub annua pensione Monachis remittere jurisdictionem Diocesanam. Nam illam pensionem non exigit ut pretium jurisdictionis remissae, sed ad probationem subjectionis antiquae & exemptionis concessae; ac ob commodum temporale, quo Monasterium gaudet & Episcopus caret.

Ex his patet, non solum jurisdictionem Ecclesiasticam, sed etiam actus illius, v.g. Absolutiones à Censuris, relaxationes poenarum Eccles. Dispensationes &c. esse materiam simoniae, ut pro iis pecunia velut pretium dari non possit; (hinc simonia foret, si quis det Sacerdoti pecuniam, ut Titium non absolvat, quia confessio dare vel negare absolutionem est actus jurisdictionis spiritualis seu clavium; secus, si quis daret alteri pecuniam, ne

Sacrum

Sacrum audiat, ne confessiones excipiat, &c.) quamvis sæpe exigatur tum ad sustinenda onera Pontificatûs, sustentationem Officialium, Neo - converforum &c. tum in pœnam delicti commissi, cui censura est annexa, tum ad refrænandam nimiam aviditatem petendi Dispensationem in gradibus prohibitis ex causis sæpe non necessariis; tum per modum stipendii, quia nemo debet militare propriis stipendiis, quod nihil involvit simoniæ, ut patet in stipendio Missarum.

2. C. 3. h. t. „Enormis consuetudo, ut „sub annuo pretio Sacerdotes ad Eccle- „fiarum regimen statuantur, modis omni- „bus prohibetur. Ratio patet ex modò dictis. Vide *L. 3. T. 39. n. 1.* ubi dicitur, quo titulo possit Episcopus annum censum seu pensionem beneficio imponere. Verùm simoniacum non est, possessiones & redditus Ecclesiæ sub annuo censu alicui elocare, cùm ea res sit merè temporalis, ex *C. 4. h. t.* Imò, ut rectè docet *Pichler Decis. 148.* si Capitulo vel Monasterio sit incorporata Ecclesia Parochialis, illud posse citra simoniam à Vicario suo licitè ac justè exigere pensionem annuam, eamque augere, non ratione commissi ministerii spiritualis; sed vi locationis reddituum Parochialium, qui ratione in-

corporationis spectant ad Monasterium, cum ea tamen obligatione, ut Vicario congruam assignet portionem ad honestam sustentationem arbitrio Episcopi determinandam, ex *Trident. sess. 7. de Ref. c. 7.* & quamvis factâ tali determinatione non possit propriâ auctoritate sine consensu Episcopi eam imminuere; reliquos tamen fructus ad se de jure pertinentes, pro variatione circumstantiarum, pro majori vel minori pensione annua concedere potest, quia sic temporale exigat pro temporali, quod simoniacum non est.

TITULUS V.

De Magistris, & ne aliquid exigatur pro licentia docendi.

I. C. I. & 4. h. t. statuitur: „ Ut per unam
 „ quamque Cathedralem Ecclesiam
 „ Magistro, qui Clericos ejusdem Eccle-
 „ siæ & Scholares pauperes in Gramma-
 „ tica & Sacra Pagina gratis doceat, com-
 „ petens aliquod Beneficium præbeatur,
 „ quo docentis necessitas sublevetur, &
 „ discentibus via pateat ad doctrinam.
 Quod confirmat *Trid. sess. 5. de Ref. c. 1.*
 & *sess. 23. c. 18.* Et licet hæ Scholæ in Ec-
 clesiis hodie ob institutas Universitates
 vel